

De Wart is wat heesch: Wat wat wat schüll wi eten?
Murt, inne Murt, inne Grund is datt fett!
Höja! de graue fangt lud an to reden:
Quark un warm Water! un alle ropt mit.

Nanten int Water,
wat vern Gesnater!
Nanten in Dik,
wat vern Musik!

De Rünnesteen hentlant all int Trünneeln un Snappeln!
Barbeent und plattföt, un jümmer vergnügt!
Hier is de Raekenguß! Beersupp mit Appeln!
Bäckeli, gäckeli — sieh, wa se sökt!

Nanten int Water,
wat vern Gesnater!
Nanten in Dik,
wat vern Musik!

Nu oppen Wall! un nu ropt wi de Gänner!
Nu kamt se an, un nu gift dat en Snack.
Nu fleegt wi dal un nu duft wi uns ünner!
All dat warm Water löppt blank vunne Raak!

Nanten int Water,
wat vern Gesnater!
Nanten in Dik,
wat vern Musik!

Wat wat wat wüllt wi? nu wüllt wie na'n Wisten.
Hör! se döschet Weten! wi krupt daer de Rill!
Kamt man! man sachden! op Töntjen! mit Bisten!
Rückt mit den Kopp, un et gau, un swigt still!

Nanten int Water!
wat vern Gesnater!
Nanten int Stroh —
wat vern Halloh!

Dar kumt de Raeksch! neiht man ut, brukt de Flünken!
Hoch aewern Tun, un koppheister na'n Dik!
Swimm' as de Boggen, un flegen as Vünken,
Klof as en Minsch — un so dick! un so dick!

Nanten int Water,
wat vern Gesnater!
Nanten in Dik,
wat vern Musik!